

AKHBAR : BERITA HARIAN

MUKA SURAT : 6

RUANGAN : NASIONAL

Penularan COVID-19

Individu berusia 18 hingga 59 tahun tertinggi dijangkiti

Lima negeri catat nilai kebolehhajangan melebihi 0.96

Oleh Noor Atiqah Sulaiman
bhnews@bh.com.my

Putrajaya: Individu dalam lingkungan usia 18 tahun hingga 59 tahun mencatat angka tertinggi yang menyumbang kepada pertambahan kes COVID-19 di negara ini.

Menerusi data dalam COVID-

NOW, sehingga jam 11.59 malam kelmarin, sebanyak 3,662 kes yang dilaporkan membabitkan individu dalam lingkungan umur berkenaan.

Ia diikuti kumpulan lingkungan usia 0 hingga 11 tahun dengan 1,033 kes, diikuti 60 tahun dan ke atas (716), manakala golongan berusia 12 tahun hingga 17 tahun sebanyak 217 kes.

Selain itu, Ketua Pengarah Kesihatan, Tan Sri Dr Noor Hisham Abdullah, menerusi ciapan di Twitter memaklumkan, terdapat lima negeri mengatasi nilai kebolehhajangan atau R-naught (Rt) COVID-19 negara, yang kini pada kadar 0.96.

Negeri terbabit adalah Putrajaya dengan 1.06, diikuti Kuala Lumpur (1.01), Negeri Sembilan (1) dan masing-masing pada kadar 0.98 di Selangor dan Melaka.

Nilai Rt di negara ini terus menunjukkan peningkatan, berbanding yang dicatatkan pada 25 Oktober lalu, iaitu pada kadar 0.88.

Sementara itu, kes harian Kes harian COVID-19 kembali melepasi 5,000 kes, semalam dengan 5,071 kes dilaporkan berbanding 4,626 kes, kelmarin.

Dr Noor Hisham berkata, kes baharu itu menjadikan sejumlah 2,481,339 kes jangkitan direkodkan di negara sehingga kini.

Jemaah perlu tunggu giliran dos penggalak

Temerloh: Semua jemaah umrah yang sudah mendapat tarikh penerbangan ke Tanah Suci perlu menunggu giliran bagi menerima dos penggalak vaksin COVID-19.

Timbalan Menteri Kesihatan 1, Datuk Dr Noor Azmi Ghazali, berkata pemberian dos itu setakat ini hanya diberi keutamaan kepada petugas barisan hadapan, warga emas dan mereka yang mengalami masalah kesihatan atau komorbid.

"Dos penggalak ini sekarang kita buka untuk 'frontliners' (petugas) barisan hadapan, mereka yang ada komorbid, mereka yang berusia 60 tahun ke atas yang ada masalah serta yang berdepan 'directly' dengan orang ramai.

"Sekarang sudah dibenarkan dos campuran, Pfizer dan Sinovac atau Sinovac dan Pfizer. Macam di Arab Saudi, mereka masih mengekalkan hanya (mengiktiraf) vaksin Pfizer, AstraZeneca, Johnson & Johnson dan Moderna.

"Jika Sinovac, dia (Arab Saudi) tak bagi izin lagi, jadi pada ketika ini itulah syarat dan untuk Pfizer ini, kita bagi selepas

tempoh enam bulan dan Sinovac pula selepas tiga bulan untuk mereka yang nak pergi menunaikan ibadah umrah," katanya.

Beliau berkata demikian selepas menghadiri majlis perasmian Klinik Kesihatan Kampung Tekal, yang disempurnakan Menteri Besar Pahang, Datuk Seri Wan Rosdi Wan Ismail, di sini semalam.

Klinik bernilai RM4.7 juta menggantikan klinik lama yang sering dilanda banjir itu boleh menampung kira-kira 2,000 penduduk pada satu-satu masa.

Media sebelum ini melaporkan, kerajaan Arab Saudi pada Julai lalu mengumumkan hanya penerima empat jenis dos vaksin dibenarkan memasuki Tanah Suci bagi menunaikan haji dan umrah.

Bagaimanapun, pada Ogos lalu, Kementerian Haji dan Umrah Arab Saudi memaklumkan, penerima vaksin jenis Sinovac dan Sinopharm juga dibenarkan memasuki negara itu dengan syarat mendapatkan dos penggalak jenis Pfizer, AstraZeneca, Moderna dan Johnson & Johnson.



Dr Noor Azmi menyuntik dos penggalak kepada kakitangan barisan hadapan di Klinik Kesihatan Kampung Tekal, Temerloh, semalam sambil diperhatikan Wan Rosdi.
(Foto Roselan Ab Malek/BH)

AKHBAR : HARIAN METRO
 MUKA SURAT : 6
 RUANGAN : COVID-19

Oleh Roselan Ab Malek
 am@hmetro.com.my

Temerloh

Semua jemaah umrah yang mendapat tarikh penerbangan ke Tanah Suci Makkah bagi menunaikan ibadat itu perlu menunggu giliran bagi menerima dos penggalak vaksin Covid-19.

Timbalan Menteri Kesihatan Datuk Dr Noor Azmi Ghazali berkata, setakat ini, pemberian dos hanya diberi keutamaan kepada petugas barisan hadapan, warga emas dan mereka yang mengalami masalah kesihatan atau komorbid.

"Dos penggalak ini sekarang kita buka untuk petugas barisan hadapan, mereka yang ada komorbid, mereka yang berumur 60 tahun ke atas yang ada masalah dan yang berdepan secara terus dengan orang ramai."

"Sekarang sudah dibenarkan dos campuran Pfizer, Pfizer dan Sinovac atau Sinovac dan Pfizer. Macam di

Tunggu giliran dos penggalak

Jemaah umrah sudah terima tarikh penerbangan perlu penuhi syarat ditetapkan oleh Arab Saudi

Arab Saudi, mereka masih mengekalkan hanya (mengiktiraf) vaksin Pfizer, AstraZeneca, Johnson & Johnson dan Moderna, ia yang diberikan kelulusan.

"Kalau Sinovac dia (Arab Saudi) tak bagi izin lagi, jadi pada ketika ini, itulah syarat dan untuk Pfizer ini, kita bagi selepas enam bulan dan Sinovac pula selepas tiga bulan untuk mereka yang nak pergi menunaikan umrah," katanya.

Beliau berkata demikian kepada media selepas menghadiri ma-

jlis perasmian Klinik Kesihatan Kampung Tekal yang dirasmikan Menteri Besar Datuk Seri Wan Rosdi Wan Ismail, semalam.

Klinik Kesihatan Kuala Tekal yang dibina dengan kos RM4.7 juta itu menggantikan klinik lama yang sering dilanda banjir.

Ia dapat menampung keperluan kira-kira 2,000 penduduk kampung itu dan kampung berhampiran.

Kerajaan Arab Saudi pada Julai lalu mengumumkan hanya penerima empat jenis vaksin untuk jemaah umrah.

Bagaimanapun, Ogos lalu, Kementerian Haji dan Umrah Arab Saudi memaklumkan, penerima vaksin Sinovac dan Sinopharm dibenarkan memasuki negara itu dengan syarat mereka perlu mendapatkan dos penggalak sama ada Pfizer, AstraZeneca, Moderna dan Johnson & Johnson.



"Untuk Pfizer ini, kita bagi selepas enam bulan dan Sinovac pula selepas tiga bulan"
 Dr Noor Azmi

AKHBAR : HARIAN METRO
MUKA SURAT : 8
RUANGAN : COVID-19

Bernama

Kuala Lumpur

YB suntik dos penggalak

Ahli Parlimen mula tunggu giliran seawal jam 9.20 pagi di Bangunan Parlimen

Ahli Parlimen semalam mengambil peluang mendapatkan suntikan dos penggalak vaksin Covid-19 yang disediakan Kementerian Kesihatan Malaysia (KKM) di Bangunan Parlimen.

Yang Dipertua Dewan Rakyat Datuk Azhar Azizan Harun berkata, pemberian dos penggalak di Bangunan Parlimen itu bagi memastikan tahap

keselamatan semua Ahli Parlimen berada pada tahap optimum kerana mereka sering berjumpa rakyat dan pulang ke kawasan masing-masing khususnya ketika musim banjir.

"Saya mengucapkan terima kasih kepada Kementrian


Kesihatan kerana menyediakan dos penggalak kepada semua Ahli Parlimen," katanya kepada pemberita di Bangunan Parlimen semalam selepas meninjau proses pemberian dos penggalak dan turut menerima suntikan itu.

KKM semalam memberikan dos penggalak Pfizer bermula jam 9.30 pagi hingga 4 petang di Dewan Bankuet, Bangunan Parlimen.

Berdasarkan tinjauan Bernama, rata-rata Ahli Parlimen mula menunggu giliran masing-masing seawal jam 9.20 pagi.

Turut kelihatan Menteri Kanan Perdagangan Antarabangsa dan Industri Datuk Seri Mohamed Azmin Ali, Menteri Luar Datuk Saifuddin Abdullah dan Timbalan Menteri di Jabatan Perdana Menteri (Parlimen dan Undang-Undang) Datuk Mas Ermeyati Samsudin.

Pemberian dos penggalak bermula di seluruh negara 13 Oktober lalu untuk individu yang mendapat dos lengkap vaksin bagi memastikan imuniti yang diterima selepas dos lengkap dapat dikekalkan bagi tempoh optimum khususnya terhadap jangkitan varian Delta.



AZHAR menerima dos penggalak sebelum persidangan di Bangunan Parlimen bermula, semalam.



SAIFUDDIN bersama Ahli Parlimen lain berehat seketika sambil dipantau petugas kesihatan selepas menerima suntikan dos penggalak vaksin Covid-19 di Bangunan Parlimen, semalam.

Individu 18 hingga 59 tahun penyumbang kenaikan kes

Putrajaya: Individu pada usia antara 18 hingga 59 tahun dikesan mencatatkan angka tertinggi yang menyumbang kepada pertambahan kes Covid-19 di negara ini.

Menerusi data dalam Covidnow, sehingga 1 November jam 11.59 malam, terdapat 3,662 kes yang dilaporkan adalah individu dalam lingkungan umur berkenaan.

Selain itu, kedua tertinggi adalah lingkungan umur 0 hingga 11 tahun dengan 1,033

kes, diikuti 60 tahun dan keatas (716) serta 12 hingga 17 tahun (217) kes.

Kelmarin, Ketua Pengarah Kesihatan, Tan Sri Dr Noor Hisham Abdullah memaklumkan sehingga jam 12 tengah hari, ada 4,620 kes Covid-19 dilaporkan menjadikan jumlah keseluruhan individu yang dijangkiti virus berkenaan kini meningkat kepada 2,476,268 kes.

Dalam pada itu, Dr Noor Hisham menerusi ciapan di Twitternya memaklumkan

terdapat lima negeri mengatasi nilai kebolehjangkitan atau R-naught (Rt) Covid-19 di negara, yang kini pada kadar 0.96.

Lima negeri yang tinggi nilai Rt adalah Putrajaya dengan 1.06 diikuti Kuala Lumpur (1.01), Negeri Sembilan (1) dan masing-masing pada kadar 0.98 di Selangor dan Melaka.

Nilai Rt di negara ini terus menunjukkan peningkatan berbanding yang dicatatkan pada 25 Oktober lalu, iaitu pada kadar 0.88.

AKHBAR : KOSMO
 MUKA SURAT : 4
 RUANGAN : NEGARA



KEMASUKAN pesakit Covid-19 ke hospital meningkat dalam tempoh tujuh hari lalu walaupun jumlah jangkitan harian rendah ketika ini. – GAMBAR HIASAN

Lapan negeri rekod trend menaik minggu lalu

Pesakit masuk ke hospital meningkat

Oleh SITI A'ISYAH SUKAIMI

PUTRAJAYA – Lapan negeri merekodkan trend peningkatan kemasukan pesakit Covid-19 ke hospital bagi purata tempoh tujuh hari sehingga kelmarin.

Menurut data COVIDNOW, negeri yang mencatatkan peningkatan tertinggi ialah Terengganu dengan 35 peratus, diikuti Kedah sebanyak 19 peratus dan Kuala Lumpur sebanyak 17 peratus.

"Lima lagi negeri ialah Sabah (13 peratus), Melaka (11 peratus), Negeri Sembilan (tujuh peratus), Perlis (enam peratus) dan Pahang (lima peratus)," katanya.

Dalam masa sama, Menteri Kesihatan, Khairy Jamaluddin Abu Bakar berkata, kes mungkin menurun tetapi kemasukan ke hospital semakin meningkat di beberapa negeri dan sehubungan itu, beliau menyarankan

pengambilan dos penggalak.

"Lebih banyak janji temu untuk pemberian dos penggalak diberi kepada penerima yang layak. Kebanyakan janji temu tersebut akan dibuat di klinik kesihatan," ciapnya di Twitter semalam.

Selain itu, sembilan negeri merekodkan peningkatan kes dalam tempoh purata tujuh hari dengan yang tertinggi ialah Labuan sebanyak 50 peratus, diikuti Perlis (37 peratus) dan Putrajaya (33 peratus).

"Negeri Sembilan (20 peratus), Selangor (17 peratus), Melaka (15 peratus), Pahang (15 peratus), Kuala Lumpur (12 peratus) dan Kedah (lapan peratus)."

"Lembah Klang pula merekodkan peningkatan kes sebanyak 16 peratus," katanya.

Mengenai kes kematian Covid-19, terdapat 63 kes dilaporkan menjadikan jumlah kematian se-

banyak 28,975 kes.

Tiada kes kematian dilaporkan dalam tempoh 24 jam kelmarin dan terdapat 18 kes meninggal dunia di luar hospital atau brought-in-dead (BID) dengan jumlah kes BID sebanyak 5,864 kes.

Kesemua kematian dilaporkan di Sarawak (20), Sabah (7), Johor (6), Terengganu (6), Kelantan (5), Selangor (5), Pulau Pinang (4), Kuala Lumpur (3), Pahang (2), Perak (2), Perlis (2) dan Melaka (1) serta tiada kematian di Kedah, Negeri Sembilan, Labuan dan Putrajaya.

Berhubung jangkitan baharu Covid-19 semalam, Ketua Pengarah Kesihatan, Tan Sri Dr. Noor Hisham Abdullah memaklumkan, sebanyak 5,071 kes direkodkan menjadikan jumlah kes positif Covid-19 sebanyak 2,481,339 kes.

Malaysia tempah 87.9 juta dos vaksin

KUALA LUMPUR – Kementerian Kesihatan (KKM) telah menempah sebanyak 87.9 juta dos vaksin Covid-19 membabitkan implikasi kewangan sebanyak RM4.64 bilion setakat ini.

Menterinya, Khairy Jamaluddin berkata, tempahan dibuat melalui Fasilitas Covid-19 Vaccine Global Access (Covax) dan secara rundingan terus dengan beberapa pengeluar vaksin.

"AstraZeneca melalui Fasilitas Covax sebanyak 6.4 juta dos,

Pfizer & BioNTech (44.8 juta dos) dan AstraZeneca/University of Oxford (6.4 juta dos).

"Sinovac membabitkan 20.4 juta dos, CanSino (3.5 juta dos) dan Gamaleya (Sputnik V) sebanyak 6.4 juta dos," katanya menerusi jawapan lisan di Dewan Rakyat semalam.

Beliau menjawab soalan Ramkarpal Singh (PH-Bukit Gelugor) yang meminta kerajaan memperincikan jumlah kes dibelanjakan bagi perolehan

vaksin Covid-19.

KKM memaklumkan sehingga 30 Oktober 2021 seramai 25,299,759 individu telah mendaftar bagi mendapatkan vaksinasi Covid-19.

Sebanyak 74.9 peratus daripada keseluruhan penduduk telah menerima suntikan vaksin Covid-19 lengkap iaitu 95.5 peratus daripada populasi dewasa dan 66.4 peratus daripada populasi remaja berusia 12 hingga 17 tahun.



SEORANG pelajar tahfiz menerima suntikan vaksin di Kelana Jaya Medical Centre (KJMC) di Petaling Jaya baru-baru ini.

AKHBAR : KOSMO

MUKA SURAT : 14

RUANGAN : NEGARA

Cake mahu KKM serbu pusat kecantikan, spa tawar suntikan Vitamin C

Jenuh mengadu, tapi tiada tindakan

Oleh NUR ANATI JUHARI

ALOR SETAR – Persatuan Pengguna Kedah (Cake) hairan mengapa masih terdapat pusat kecantikan dan spa menawarkan suntikan Vitamin C dan bahan pemutih biarpun tidak mendapat kelulusan Kementerian Kesihatan (KKM).

Setiausahanya, Mohamad Yusrizal Yusoff berkata, pihaknya sendiri pernah membuat aduan secara bertulis kepada KKM berhubung kegiatan itu, namun belum ada tindakan tegas diambil.

"Saya sering menulis surat aduan kepada KKM berkaitan isu ini supaya terus memantau atau merampas produk berbahaya itu, tetapi tiada tindakan tegas yang diambil," katanya ketika dihubungi di sini semalam.

Menurut Mohamad Yusrizal, pihaknya pernah menerima lebih 70 aduan dan laporan berkaitan isu suntikan Vitamin C dan ba-



KERATAN Kosmo! semalam.

han pemutih kulit di negeri ini pada tahun 2018.

Katanya, rata-rata pengguna sanggup berhabis duit sehingga RM750 untuk suntikan itu.

"Mungkin ada antara mereka yang berjaya mencerahkan kulit, namun malangnya kebanyakannya tidak mendapat kesan yang diidam-idamkan," ujarnya.

Menurutnya, pengguna sebenarnya tidak sedar mereka berdepan risiko menghidap penyakit kronik semata-mata untuk



KKM tidak meluluskan penggunaan suntikan Vitamin C. – GAMBAR HIASAN

kelihatan lebih cerah.

"Ada yang mengadu jatuh sakit akibat kesan sampingan seperti sakit kepala. Mereka tidak sedar ia juga boleh menjadi penyebab penyakit berbahaya lain seperti kanser dan masalah

buah pinggang.

"KKM sebelum ini pernah mengeluarkan kenyataan bahawa tidak pernah mendaftarkan produk suntikan mengandungi Vitamin C," ujarnya.

Tambahnya, tindakan denda

mungkin tidak memberi kesan kerana mereka mampu memperoleh keuntungan berlipat kali ganda daripada penawaran khidmat suntikan Vitamin C dan bahan pemutih import itu.

Dalam pada itu, Pengarah Kesihatan negeri, Dr. Othman Warijo berkata, KKM tidak meluluskan pendaftaran dan penggunaan Vitamin C dalam bentuk suntikan untuk apa juga tujuan termasuk pemutihan kulit.

"Jika terdapat spa atau pusat kesihatan yang didapati memiliki dan menawarkan suntikan Vitamin C, mereka boleh diambil tindakan undang-undang di bawah Akta Jualan Dadah 1952 kerana memiliki produk tidak berdaftar dengan KKM," katanya.

Kosmo! semalam melaporkan ramai yang mengambil suntikan Vitamin C dan bahan pemutih kerana terpengaruh dengan promosi selain terikut-ikut dengan tindakan rakan-rakan.

AKHBAR : SINAR HARIAN

MUKA SURAT : 9

RUANGAN : NASIONAL

Gerakan HDK isytihar Protes Hartal Doktor Kontrak 2.0



Gerakan HDK dijangka akan melancarkan Protes Gerakan Hartal Doktor Kontrak 2.0.

SHAH ALAM - Protes Gerakan Hartal Doktor Kontrak 2.0 akan dilaksanakan selepas kerajaan tidak menyelesaikan isu doktor kontrak dalam Bajet 2022 yang diumumkan pada Jumaat lalu.

Sekretariat Gerakan Hartal Doktor Kontrak (HDK) dalam satu kenyataan mendakwa, kerajaan tidak memandang serius isu-doktor kontrak dan masalah sistem kesihatan yang akan menggadaikan masa depan kesihatan rakyat.

"Gerakan HDK merasakan tiada langkah tanggungjawab penuh diambil oleh kerajaan untuk menyelesaikan masalah ini.

"Tawaran yang diberikan tidak masuk akal dan hanyalah sebuah langkah membuang masa," katanya.

Dalam pembentangan Bajet 2022 oleh Menteri Kewangan, Senator Tengku

Datuk Seri Zafrul Tengku Abdul Aziz memberitahu, kerajaan bersetuju menyambung pelantikan secara kontrak lebih 10,000 pegawai perubatan, pergigian dan farmasi selepas tempoh khidmat wajib selama dua tahun kepada maksimum empat tahun.

Dalam pada itu, HDK mendakwa Kementerian Kesihatan Malaysia (KKM) langsung tidak melakukan sebarang bantahan kepada Kementerian Kewangan mengenai isu tersebut.

"Lima tahun dalam perbincangan masih tiada penyelesaian. Janji lantikan tetap dengan KWSP yang sering kali diuar-uarkan hanyalah umpan supaya kami berhenti bersuara. Setelah dua tahun doktor kontrak berhempas pulas melawan Covid-19, pengorbanan mereka tetap tidak dihargai," katanya.

AKHBAR : UTUSAN MALAYSIA

MUKA SURAT : 10

RUANGAN : DALAM NEGERI

Kenyataan Khairy rujuk kerjasama pembangkang

Oleh JUANI MUNIR ABU BAKAR
juani.bakar@mediamulla.com.my

PUTRAJAYA: Mahkamah Rayuan semalam dimaklumkan kenyataan dibuat oleh Ahli Parlimen Rembau, Khairy Jamaluddin terhadap Presiden PKR, Datuk Seri Anwar Ibrahim merujuk kepada kerjasama pembangkang yang dimeterai sebelum pilihan raya dan bukannya berkaitan dengan liwat.

Menurut peguam mewakili Khairy, Tan Sri Muhammad Shafee Abdullah, intipati ucapan itu amat penting kerana dibuat sebelum Pilihan Raya Umum Ke-12 yang berlangsung pada 2008. "Ia adalah ucapan humor tetapi maksud ingin disampaikan adalah dalam konteks kerjasama pakatan politik di mana mereka parti pembangkang berkahwin sebelum pilihan raya dan berpisah kemudian. Ia pernah berlaku dalam pilihan raya sebelumnya pada 2004 dan 2008 di mana parti pembangkang bersatu dan kemudiannya bercerai.

"Dalam ucapannya, BN, UMNO, MCA, MIC, Gerakan dan PPP (Parti Progresif Penduduk) disebut sebagai kahwin kekal, tetapi pembangkang kahwin muta'ah iaitu perkahwinan kontrak, ia boleh jadi sependek beberapa hari hingga sebulan.

"Anak guam saya bercakap tentang parti politik, anda tak boleh liwat parti politik, itu mustahil. Ia diucapkan dalam kon-

Anak guam saya bercakap tentang parti politik, anda tak boleh liwat parti politik, itu mustahil. Ia diucapkan dalam konteks kiasan. Apa yang dia mahu katakan adalah BN kahwin kekal sementara pembangkang pula kahwin kemudian cerai."

KHAIRY JAMALUDDIN

teks kiasan. Apa yang dia mahu katakan adalah BN kahwin kekal sementara pembangkang pula kahwin kemudian cerai," hujah Muhammad Shafee secara sidang video.

Khairy memfailkan rayuan terhadap keputusan Mahkamah Tinggi Kuala Lumpur yang menga-

rahkannya membayar ganti rugi RM150,000 kepada Anwar di atas dakwaan memfitnah Anwar menerusi 'main belakang' dalam ucapan yang dibuat di Lembah Pantai sebelum PRU-12.

Sebaliknya pada 19 Februari 2018, Mahkamah Rayuan menolak rayuan Menteri Kesihatan itu atas sebab teknikal tanpa meritnya didengar.

Bagaimanapun, pada 15 Disember tahun lalu, Mahkamah Persekutuan membenarkan rayuan Khairy dan mengarahkan Mahkamah Rayuan mendengar meritnya.

Prosiding hujahan yang berlangsung di hadapan tiga panel Hakim Mahkamah Rayuan yang dipengerusikan oleh Datuk Lee Swee Seng ditangguhkan sehingga Januari depan.



Ivermectin selamat digunakan

PETALING JAYA: Ivermectin selamat digunakan kepada tubuh badan manusia walaupun keberkesanan untuk merawat jangkitan Covid-19 masih menjadi tanda tanya dalam masyarakat umum.

Menurut Pakar Kesihatan Pekerjaan, Kecemasan dan Kesihatan Am, Dr. Hanafiah Bashirun, Ivermectin sudah digunakan terhadap manusia sejak tahun 1980 untuk merawat penyakit parasit.

Katanya, ubat Ivermectin tidak biasa digunakan di Malaysia disebabkan jangkitan parasit melibatkan manusia yang bukan berada di negara ini sebaliknya banyak berlaku di Afrika Selatan.

"Memang betul ubat Ivermectin asalnya untuk merawat penyakit parasit melibatkan haiwan, tapi jangkitan parasit pernah melibatkan manusia.

"Sebagai contoh, kita menceritakan penyakit denggi kepada penduduk Iceland. Sudah tentu penduduk di sana tidak biasa dengar tentang penyakit itu kerana penyakit demam denggi tidak biasa berlaku di sana," katanya ketika dihubungi Utusan Malaysia.

Menteri Kesihatan, Khairy Jamaluddin sebelum ini memberitahu, hasil kajian ujian keberkesanan rawatan Covid-19 menggunakan Ivermectin akan dibentangkan oleh Pengarah Institut Penyelidikan Klinikal (ICR), Dr. Kalai Peariasamy kepada umum pada minggu depan.

Sebelum ini, Ketua Pengarah Kesihatan, Tan Sri Dr. Noor Hisham Abdullah berkata, setakat ini Pertubuhan Kesihatan Sedunia (WHO) membenarkan Ivermectin sebagai rawatan Covid-19 dalam kajian atau percubaan klinikal saja.

Dalam pada itu, Pakar Kesihatan Komuniti Fakulti Perubatan Universiti Kebangsaan Malaysia (UKM), Prof. Dr. Sharifa Ezat Wan Puteh berkata, penggunaan ubat ivermectin tidak digalakkan sekiranya mendatangkan kesan buruk kepada manusia.

AKHBAR : THE SUN ON WEDNESDAY

MUKA SURAT : 4

RUANGAN : NEWS WITHOUT BORDERS

'Healthcare travel industry blueprint achievable'

KUALA LUMPUR: The Association of Private Hospitals Malaysia (APHM) is confident that the three pillars listed under the Malaysia Healthcare Travel Industry Blueprint 2021-2025 to boost the medical tourism industry are achievable.

APHM president Datuk Dr Kuljit Singh, in welcoming the blueprint launched by Health Minister Khairy Jamaluddin on Monday, said the blueprint was timely as the nation was moving towards an endemic phase after fighting the Covid-19 pandemic, Bernama reported.

He said private hospitals are the main participants in the blueprint as they have world-class infrastructure, facilities and medical experts to meet the criteria set in the blueprint.

"Prior to the pandemic in 2019, medical tourism was one of the key contributors to Malaysia's economic growth, and as the country enters the endemic phase, it is crucial to have a guide to boost the recovery of our medical

travel industry.

"The success of Malaysia's healthcare tourism sector is attributed to three aspects: best in class care, hi-tech facilities and access to innovative treatment. As such, fast access to high-quality and innovative medications will support growth of this industry in the face of regional competition."

Kuljit said as they plan to achieve a sizeable growth of medical tourism in the country within the next five years, private hospitals will also further commit to assist the government by providing services for local patients who have difficulty in obtaining treatment in government facilities with the allocation provided by the Finance Ministry in the 2022 Budget.

He said market stability is crucial to enhance local ecosystem, which requires an enabling policy environment as opposed to inhibitive policies such as price controls, which will have negative impact on healthcare players in the country.